

Dis vnnutte vnde icel de sine hopes
 ne settet in de mynschen este in de
 creaturen Schame dy nicht vmmē
 de leue godes anderen minschen to
 denen vnde arm to schinen in desser
 werlde Sta nicht vppe dy sulue men in god set
 te al dyne hopen **D**o dat in dy is vnde god schal
 an seen dynen guten wyllen. **D**u en schalt neen
 betruwent hebben in dy suluen. noch in dyne
 kunst. noch in nenes mānes klockheyt de dar le
 uet men allene in de graciē godes. de helpet den
 othmodigen. vnde vornedert de houerdigen.
Wozvzowe dy nicht in rickheyt noch in vrun
 den dat se mechtich syn. **M**ē in gode de alle gute
 dinge ghift vnde bouen begert dy em suluen to
 geuente. **D**u en schalt dy nicht vorheuen van
 grotheit noch schonheyt des lichammes de myt
 klener kranckheyt wert ghenomē vñ vntsuuert
Du en schalt dy sulue nicht behagē vā abelheit
 vñ wisheit diner vorstātmissē. vppe dat du gode
 nicht en mishagest des id alle is dattu naturlikē
 heft. **D**u en schalt dy nicht beter rekenen dan
 eynē anderē vppe dat dy god nicht snod en reke
 ne de bekēt wat in dem minschē is. **D**u en schalt
 dy nicht vorheue vā gute wērkē. wēte anders
 sint de ordel godes dan d' minschē **D**em vakē mis
 haget dat dem minschen gud duncket. **D**euestu
 icht godes vormode beter vā dē anderē vppe dat
 tu i othmodicheit bliuest dat en schadet di nicht